



Manader tecnic - elecziun

La suprastanza cumünala es gnüda infuormada manüdamain dal president cumünal sur da l'organisaziun, sur da l'andamaint e sur dals resultats dals discuors culs duos candidats restants pel post dal manader da las Gestiuns Tecnicas.

Davo ün'examinaziun minuziosa e profuonda dals candidats ha la suprastanza cumünala elet a Fadri Guler da Brail sco successur dad Alfred Barbüda, chi va principi 2018 in pensiun. Il nouvelet aintra in piazza als 1. avrigl 2017 e surpiglia successivamaing las incumbenzas sco manader da secziun e commember da la direcziun operativa.

Cumprita d'ün runal da skis – dumonda da reponderaziun

Dürant la fasa d'elavuraziun dal preventiv 2017 vaiva la suprastanza decis da strichar il credit per la cumprita d'ün runal da skis per la fracziun da Lavin. Abitantas da Lavin han in seguit scrit üna charta a la suprastanza cul giavüsch da reponderar lur decisiun e cun la dumonda da conceder ün credit plü pitschen per pudair tour a fit almain sco prova per ün inviern ün runal da skis. La società Lavin turissem ha miss in vista da's partecipar vi dals cuosts. Implü s'ha il Club Sport Macun declerà pront da metter a disposiziun voluntaris per fabricar sü e giò sco eir per gestir il runal. Cun far diversas pretaisas e cundiziuns es la suprastanza cumünala revgnüda sün sia decisiun ed ha deliberà il credit necessari per la cumpra dal runal da skis. Davo il prüm inviern vain trat bilantsch e decis sur dal proseguimaint.

Nouva centrala dal s-chodamaint central da chalur

Per pudair cuntinuar cul proget da la nouva centrala dal s-chodamaint central da chalur ha la suprastanza decis che architects, maina fabricas ed indschegners chi dessan gnir invidats aint per inoltrar lur offerta d'onurari.

Proget via Güstizia – Gondas, masüraziuns dal terrain

Causa la sensibilità pro duos surfatschas per la fabrica da la via e la rampa per la loipa da passlung tanter Chasuot e Gondas faja dabsögn da masüraziuns dal terrain. L'incumbenza es gnüda surdatta a la Geo Alpin SA a Zernez.

Chasa da scoula Zernez – urdegns per la sala da gimnastica

Pro üna controlla periodica dals urdegns da la sala da gimnastica s'ha constatà cha singuls urdegns nu correspuondan plü a las pretaisas da sgürezza e ston gnir rimplazzats. Il credit necessari per la cumpra d'urdegns novs es gnü approvà.

Chamonna „Il cuvel“ Ova Spin

La chamonna "Il cuvel" sü Ova Spin es daspö ons in possess dal cumün e vain datta a fit a giasts/turists. Dürant il mais settember gniva la chamonna datta a fit a per la chatscha. Sün dumonda dals chatschaders chi vaivan a fit la chamonna ils ultims ons, ha la suprastanza dat il permiss per tour a fit la chamonna d'ürant la chatscha 2017.

Recuors cunter taxas cumünalas 2016

La suprastanza ha gnü da trattar e decider sur d'ün ulteriur recuors cunter las taxas cumünalas pel 2016.